

Comision Asamblea General Federacion Ciclismo Aruba ta anuncia resultado di eleccion di directiva

ORANJESTAD - Diabierna 28 di maart 2014 a tuma luga e asamblea general di Aruba Wieler Bond. Un reunion cu a wordo guia pa e comision cu a prepara e parti di eleccion pa un directiva nobo cu lo dirigi e federacion durante 2014. For di un principio a duna di conoce cu e perso-

nanan interesa den un funcion den e directiva di Aruba Wieler Bond, por a postulan nan mes. A logra ricibi postulacion di ocho candidato pa tur puesto den directiva. Asina mes a laga e opcion habri pa aceptacion di postulacion prome cu e reunion general a cuminsa. Esaki alabes a con-

duci na cuater postulacion adicional. E sala di reunion a conta cu un bon participacion di tur club miembro cu excepcion di uno. Despues di firma e lista di presencia, a start cu e reunion general. E directiva saliente a trata e temanan riba agenda. Despues di e parti general, e comis-

ion a tuma encargo di e parti di eleccion y a guia esaki den un forma structura. Despues di votacion a revela e resultado. E eleccion di directiva di Aruba Wieler Bond 2014 a resulta como lo siguiente:

Presidente: Juelle Thode
Secretaris: Sergio de Cuba
Tesorera: Minerva Kock

Comisario: Monique Leerdam, Reginald Tromp, Audy Soekandar y Zetsia Pina.

E comision Asamblea Genaral 2014 ta gradici tur hende cu a coopera cu e comision. Alabes ta desea e directiva tur clase di exito den nan tarea pa dirigi e deporte di ciclismo na Aruba. □